

## ABSTRAK

Keberkesanan pelaksanaan sistem latihan Askar Wataniah (AW) amat bergantung kepada komitmen para jurulatih dan juga modul yang diajar. Sikap jurulatih terutamanya PTT Kanan sering dipersoalkan dalam membirnbng anggota AW supaya mereka lebih aktif dan cenderung dalam segala aktiviti sukarela yang dijalankan. Sehubungan itu, Kajian ini bertujuan untuk mengenalpasti dan mengukur sejauh mana komitmen anggota AW dalam menjalani latihan disamping itu juga mengenalpasti tahap kepuasan anggota AW dalam jenis latihan yang dijalankan. Faktor-faktor persekitaran organisasi, peribadi atau personaliti dan juga kepimpinan yang akan mempengaruhi kepuasan bekerja di kalangan anggota AW dan seterusnya menyumbangkan kepada tahap kehadiran anggota AW dalam aktiviti yang diadakan di pasukan

Secara keseluruhan penemuan kajian mendapati tahap kehadiran dan kepuasan bekerja anggota AW adalah disebabkan oleh faktor-faktor yang dinyatakan di atas. Hasil ujian juga mendapati pembolehubah persekitaran organisasi dan profil demografi mempunyai pengaruh dan hubungan positif yang kuat dengan tahap kehadiran dan kepuasan bekerja di kalangan anggota AW. Diharapkan penemuan kajian ini dapat dijadikan panduan serta rujukan kepada Bahagian Pasukan Simpanan (BPS) di dalam usaha meningkatkan komitmen dan kehadiran anggota AW di samping memperbaiki sistem latihan dan kepuasan bekerja supaya lebih efektif dan efisien.